

ԱՌՈՂՋԱՊԱՐՈՒԹՅՈՒՆ

ԳԻՐԳԻ ԳԱԽԱՐԻԱ. «ԲԱՐՁՐԱՅՎԵԼՈՒ Է ՀԱՍԱՐԱՎ ԲԱՐԱՔԱՅԻՆՆԵՐԻՆ ՏՐԿՈՂ ԲՈՒԺՏԱՐԱՅՈՒԹՅՈՒՆՆԵՐԻ ՈՐԱԿԸ»

Դեկտեմբերի 4-ին Վրաստանի վարչապետ Գիորգի Գախարիան աշխատանքային հանդիպում ունեցավ երկրի տարածքում հավաստագրված կլիմայական ղեկավարների հետ:

Երկրում գործող շուրջ 30 կլիմայական ղեկավարների հետ հանդիպման առիթը վերջիններիս կողմից վարչապետին հղած նամակն էր, որտեղ բուժաստատությունների ղեկավարները բողոքարկում էին բժշկական հաստատությունների սակագները սահմանելու մասին կառավարության 520-րդ որոշումը: Հանդիպմանը մասնակցեց նաև առողջապահության, աշխատանքի եւ սոցիալական պաշտպանության նախարար Եկատերինե Տիկարաձեն:



(Շարունակությունը՝ 2-րդ էջում)

ՀԱՆԴԻՊՈՒՄ

ԻՇԽԱՆՈՒԹՅՈՒՆԸ ԵՎ ԸՆԴԴԻՍՈՒԹՅՈՒՆԸ ՉԿԱՐՈՂԱՑԱՆ ՄՇԱԿԵԼ ԸՆԴՀԱՆՈՒՐ ՄՈՏԵՑՈՒՄ

Ինչպես արդեն հաղորդել ենք, նոյեմբերի 30-ին Թբիլիսիի «Բիլ-թոր» հյուրամոդուլում, Վրաստանում հավատարմագրված դիվանագիտական կորպուսի ներկայացուցիչների ներկայությամբ, կայացավ Վրաստանի իշխանությունների ներկայացուցիչների հանդիպումը միացյալ ընդդիմության ներկայացուցիչների հետ:

Հանդիպմանը մասնակցում էին Վրաստանի խորհրդարանի նախագահ Արչիլ Թալակվաձեն, առաջին փոխխոսնակ Գիա Վոլսկին, «Վրացական երազանքի» քաղաքական քարտուղար, խորհրդարանի պատգամավոր Իրակլի Կոբախիձեն, Վրաստանի արդարադատության նախարար Թեա Ծուլուկիանին, իսկ ընդդիմադիր

ներից՝ գրեթե 30 ընդդիմադիր կուսակցությունների, ինչպես նաև «Հայրենասերների ալյանսի» ղեկավարները: Քննարկվեց նոյեմբերի 14-ին խորհրդարանի կողմից 2020 թվականին համամասնական ընտրակարգին անցնելու մասին օրինականագծի մերժման արդյունքում երկրում ստեղծված իրավիճակը:

(Շարունակությունը՝ 4-րդ էջում)

ՀԱՇՎԵՏՎՈՒԹՅՈՒՆ

ԻՍԱՆԻ ՇՐՋԱՆԱՅԻՆ ՎԱՐՉՈՒԹՅՈՒՆԸ ՀԱՆՐԱԳՈՒՄԱՐԵՑ ԵՐԿԱՄՅԱ ԱՇԽԱՏԱՆՔԻ ԳՈՐԾՈՒՆԵՈՒԹՅՈՒՆԸ



Իսանի շրջանային վարչու-

Դեկտեմբերի 5-ին Թբիլիսիի Իսանի շրջանային վարչության նախագահ Կախա Լաբուչիձեն շրջանի բնակիչների ներկայացրեց 2018-2019 թվականներին իրականացրած աշխատանքների հաշվետվությունը:

թյան նախագահ Կախա Լաբուչիձեն, համագումարային զեկույցն սկսելուց առաջ, շնորհակալություն հայտնեց շրջանի բնակչությանը, կառավարական եւ մասնավոր

հատվածի ներկայացուցիչներին ցուցաբերած աջակցության եւ համագործակցության համար: Խոսելով վարչության երկամյա գործունեության մասին՝ նա ներկայացրեց այդ ժամանակահատվածում իրականացրած նախագծերը:

(Շարունակությունը՝ 6-րդ էջում)

ԵՆԹԱԿԱՌՈՒՅՑ

2020 ԹՎԱԿԱՆԻՆ ԱՄԱԼՔԱԼԱՔԻԻ ԵՎ ՆԻՆՈՇՄԻՆԴԱՅԻ ՄՈՒՆԻՑԻՊԱԼԻՏԵՏՆԵՐՈՒՄ ՃԱՆԱՊԱՐՀԱՅԻՆ ՆԱԽԱԳԾԵՐԸ ԿԱՎԱՐՏՎԵՆ

Դեկտեմբերի 2-ին Վրաստանի փոխվարչապետ, տարածաշրջանային զարգացման եւ ենթակառուցվածքի նախարար Մայա Ցքիտիշվիլին, ավտոմոբիլային ճանապարհների ղեկարտմենտի նախագահ Իրակլի Քարսելաձեի, Սամցխե-Ջավախեթի տարածաշրջանի պետական լիազոր, նահանգապետ Բեսո Ամիրանաշվիլու հետ, եղավ Սամցխե-Ջավախեթի տարածաշրջանում ենթակառուցվածքային նախագծերի իրականացման վայրերում, ծանոթացավ աշխատանքների դրվածքին:

Ինչպես տեղեկացրին փոխվարչապետին, ներհանրապետական նշանակության Ծալկա-Նի-նոծմինդա ավտոճանապարհի

116 կիլոմետրանոց հատվածում վերանորոգման աշխա-



(Շարունակությունը՝ 4-րդ էջում)

ԴԵԿՏԵՄԲԵՐԻ 7-Ը ՄՊԻՏԱԿԻ ԵՐԿՐԱՇԱՐԺԻ ԶՈՐԵՐԻ ՀԻՇԱՏԱԿԻ ՕՐՆ Է

ԱՂԵՏԱԼԻ ԵՐԿՐԱՇԱՐԺԻՑ 31 ՏԱՐԻ ԱՆՑ

1988 թվական... դեկտեմբերի 7... ժամը 11:41 րոպե... Հայաստանի հյուսիսային հատվածը ցնցվեց ստորգետնյա հարվածներից: Ընդամենը մի քանի վայրկյանների ընթացքում Հայաստանն ունեցավ տասնյակ հազարավոր զոհեր, խեղանդամվածներ, անօթեւաններ... Ավերվեցին Սպիտակը, Գյումրին, Կիրովականը, Ստեփանավանը, մերձակա հարյուրավոր գյուղեր... Զոհվեց շուրջ 25 հազար մարդ, կես միլիոն մարդ մնաց անօթեւան, կործանվեց Հայաստանի բնակֆոնդի 17 տոկոսը:

Այդ ահասարսուռ օրերից 31 տարի է անցել: Հայ ժողովուրդը հիշում ու խնկարկում է իր հազարավոր զոհերին, թեւեւ ամեն անգամ երախտագիտությամբ հիշելով նրանց, ովքեր օգնեցին ապրել այս աղետոս տեսած վերապրածներին: Հիրավի, անամոքելի կմնար ցավը, եթե աշխարհի ողջ մարդկությունը օգնության ձեռք չմեկնեց: Իսկ առաջինը Վրաստանն էր ու վրաց ժողովուրդը... Այսօր աշխարհի ողջ հայու-



թյունը ծաղիկների խոնարհումով հարգում է տարերային աղետի զոհերի հիշատակը:

(Երկրաշարժի մասին հոդվածը տես 6-րդ էջում)

Այսօր Թբիլիսիի Սուրբ Էջմիածին եկեղեցում ժամը 11:41-ին կկատարվի հոգեհանգստի կարգ՝ ի հիշատակ երկրաշարժի զոհերի: Հոգեհանգստի կարգ կկատարվի նաև Հայ Առաքելական Սուրբ Եկեղեցու Վիրահայոց թեմի բոլոր եկեղեցիներում:

ՎՐԱՄՏԱՆ - ՆԱՏՕ

«ԱԼՅԱՆՍԻՆ ՇԱՏ ԱՎԵԼԻ ՄՈՏ ԵՆՔ, ՔԱՆ ԵՐԲԵՎԷ»

Դեկտեմբերի 2-ին Լոնդոնում աշխատանքն սկսեց Գյուսիսատլանտյան ալյանսի հորեյաճանակա կազմակերպության կազմավորման 70-ամյակին նվիրված համաժողովը, որին մասնակցում են Դաշինքի անդամ երկրների առաջին ղեմերը, ՆԱՏՕ-ի ղեկավար անձինք: Համաժողովի աշխատանքին հյուրի կարգավիճակով մասնակցում է նաև Վրաստանի արտաքին գործերի նախարար Դավիթ Չալկալիանին:



Համաժողովի մասնակիցներն առանձնակի ուշադրություն հատկացրին ալյանսի անդամ

երկրների, ինչպես նաև դաշնակից երկրների անվտանգու-

(Շարունակությունը՝ 2-րդ էջում)

ԵԿԵՂԵՑԱԿԱՆ

ՎԻՐԱՀԱՅՈՑ ԹԵՄԻ ԱՌԱՋՆՈՐԴ ԲՐՅՈՒՄԵԼՈՒՄ

Նոյեմբերի 18-19-ը, Վիրահայոց թեմի առաջնորդ Տ.Կիրակոս վարդապետ Դավթյանը, Եվրոպայի ժողովրդական կուսակցությանն (EPP) առընթեր գործող միջկրոնական երկխոսության շրջանակներում, գտնվում էր Բրյուսելում:



Այցը, որի կազմում էին Վրաստանի Ուղղափառ եկեղեցու, Հայ Առաքելական, Կաթոլիկ,

մուսուլմանական եւ եբրայական եկեղեցիների ներկայա-

(Շարունակությունը՝ 2-րդ էջում)

ՀԱՄԱՏԵՂ ՆԱԽԱԳԻԾ

ՎՐԱՍՏԱՆԻ ՎԱՐՉԱՊԵՏԸ ՄԱՍՆԱԿՑԵՑ TANAP ԳԱԶԱՍՈՒՐԻ ՇԻՆԱՐԱՐՈՒԹՅԱՆ ԱՎԱՐՏԻ ՄԻՋՈՑԱՌՄԱՆԸ

Նոյեմբերի 30-ին Վրաստանի վարչապետ Գիորգի Գախարիան, Թուրքիայի եւ Ադրբեջանի նախագահներ Ռեջեփ Թայյիփ Էրդողանի եւ Իլհամ Ալիևի հետ, մասնակցեց TANAP-ի նախագծի շինարարության ավարտին նվիրված պաշտոնական միջոցառմանը:

Արարողությունն անցկացվեց Թուրքիայում, Էդիրնե նահանգում: Նախագծի մասնակից երկրների ղեկավարները միասին սեղմեցին կոճակը, որից հետո, այս նախագծի շրջանակներում բնական գազն սկսեց հոսել Ադրբեջանից դեպի Եվրոպա:

Տրանսանատոլիկ գազամուղի նախագծի (TANAP) նպատակը Եվրոպայի եւ Թուրքիայի գազամուղի պահանջների բավարարումն ու բնական գազի մատա-

կարարման ճանապարհների բազմազանեցումն է:

Նախագծի արժեքը կազմեց շուրջ 10 միլիարդ ամերիկյան դոլար: TANAP-ի գազամուղով տարեկան Եվրոպա կառավարվի 16 մլրդ խորանարդ մետր գազ: Առաջիկայում թողունակության ծավալը ծրագրվում է ավելացնել՝ 2023 թվականին 23 միլիարդ խորանարդ,



իսկ մինչեւ 2026 թվականը՝ 31 միլիարդ խորանարդ մետրով:

ԱՌՈՂՋԱՊԱՅՈՒԹՅՈՒՆ

ԳԻՈՐԳԻ ԳԱԽԱՐԻԱ. «ԲԱՐՉՐԱՅՎԵԼՈՒ Է ՀԱՍԱՐԱԿ ՔԱՂԱՔԱՅԻՆԵՐԻՆ ՏՐՎՈՂ ԲՈՒԺՄԱՌԱՅՈՒԹՅՈՒՆՆԵՐԻ ՈՐԱԿԸ»

(Սկիզբը՝ 1-ին էջում)

Հանդիպման մեկնարկին Վրաստանի վարչապետ Գիորգի Գախարիան, կարելու էր ամբողջապահության ոլորտում իրականացվող բարեփոխումները, նշեց, որ դրանք ինքնանպատակ չեն եւ պետք է ուղղված լինեն բուժիաստատությունների կողմից մատուցվող ծառայությունների որակի բարձրացմանը եւ, ամենակարեւորը, այդ ծառայությունների մատչելիության մեծացմանը:

Կառավարության ղեկավարի խոսքով, ամբողջապահու-

թյան ոլորտի բարեփոխումները դարձել են վերջին տարիներին ամենահաջողված բարեփոխումներից մեկը:

- Կարծում եմ, որ այս բարեփոխման արդյունքների եւ հեղինակության պաշտպանությունն ու զարգացումը բոլորի շահերից են բխում: Սկզբունքները, որոնցով սկսեց գործել այս բարեփոխումը, ակնհայտ պահանջում են փոփոխություններ ու զարգացում: Սա շատ պարզ է եւ տրամաբանական: Եթե խնդիրներ կան, մենք պատրաստ ենք խոսել դրա մասին: Մեզ համար համընդհանուր առողջապահա-

կան համակարգի արդյունավետությունը հիմնարար նշանակություն ունի, հակառակ դեպքում, դրա հետագա զարգացումը անհնար կլինի: Ես զարմանում եմ, թե ծեր կարծիքով ո՞րն է հիմնական խնդիրը, ինչը կարող է շտկվել:

Ինձ հետաքրքրում է առաջիկա 3-5 տարիների ընթացքում առողջապահության համակարգը եւ համընդհանուր բժշկական օգնությունը, քանի որ սրանք համակարգային փոփոխություններ են, որոնք, առաջին հերթին, պետք է բարձրացնեն արդյունավետությունը, ծառայությունների որակը,

որը մենք տրամադրում ենք մեր հասարակ քաղաքացիներին: Եթե այստեղ խնդիրներ առաջանան, կարծում եմ, որ մենք համաձայնության կգանք, ասաց Գիորգի Գախարիան բուժանձնակազմին:

Հանդիպման ընթացքում, քննարկումների արդյունքում ընդունվեց որոշում՝ ստեղծել աշխատանքային խումբ, որը կարճ ժամանակահատվածում մանրամասն կուսումնասիրի բուժօռնությունների սակագների հարցը եւ կմշակի համաձայնարականներ, որոնք էլ կդրվեն հարցի առաջիկա քննարկման հիմքում:

ՎՐԱՍՏԱՆ - ՆԱՏՕ

«ԱԼՅԱՆՍԻՆ ՇԱՏ ԱՎԵԼԻ ՄՈՏ ԵՆՔ, ՔԱՆ ԵՐԲԵՎԷ»

(Սկիզբը՝ 1-ին էջում)

թյան հարցերին, քննարկեցին ահաբեկչության դեմ պայքարում համագործակցության խորացման, այլաճախ առաջիկա ծրագրերը: Համաժողովում առանձնակի բարձրացվեց Վրաստանի եւ Ուկրաինայի նկատմամբ Ռուսաստանի զավթողական քաղաքականության ֆոնի վրա այլաճախ առանձին երկրների, մասնավորապես՝ Թուրքիայի կողմից Ռուսաստանի հետ ռազմական համագործակցության ծավալման հարցը:

Իր խոսքում Վրաստանի արտաքին գործերի նախարարը մասնակիցների ուշադրությունը բեւեռեց երկրի բռնազավթված տարածքներում ստեղծված ծանր իրավիճակի վրա, մասնավորապես, նշեց բռնազավթված գոտում մարդկանց առեւանգման փաստերը: Դավիթ Ջալկալիանին խոսեց նաեւ Եվրատլանտյան կառույցներին ինտեգրվելու Վրաս-


տանի քաղաքական կուրսի անշեղուծության, այդ նպատակով երկրում իրականացվող բարեփոխումների մասին:

Վրաստանի թեմային անդրադարձավ նաեւ ՆԱՏՕ-ի գլխավոր քարտուղար Յենս Ստոլտենբերգը: Նրա հայտարարությամբ, 2008 թվականի Բուխարեստի գագաթաժողովին ընդունված որոշումը ուժի մեջ է, եւ Վրաստանն ու Ուկրաինան կդառնան Դաշինքի անդամ, թեպետ խուսափեց կոնկրետացնել ժամկետները՝ նշելով, որ ՆԱՏՕ-ն կենտրոնացած է Վրաստանի եւ Ուկրաինայի աջակցելուն՝ Եվրատլանտյան ինտեգրման ճանապարհին:

- Այդ թվում օգնում ենք, որ իրականացնեն բարեփոխումները եւ կատարելագործեն անվտանգության ինստիտուտները: Վրաստանը այս պահին շատ ավելի մոտ է ՆԱՏՕ-ին, քան երբեք: Մենք ունենք ուսումնական կենտրոն Թբիլիսիի արվարձաններում: Անցկաց-

րել ենք լայնածավալ զորավարժություններ: Մենք ունենք սերտ քաղաքական կապեր: Ես, ինչպես նաեւ հյուսիսատլանտյան խորհրդի անդամները, մոտ անցյալում եղել ենք Վրաստանում, որից հետո՝ Ուկրաինայում: Այսպիսով, մենք աշխատում ենք երկու երկրների հետ,- նշեց Յենս Ստոլտենբերգը եւ հավելեց, որ ՆԱՏՕ-ն որեւէ որոշակի ժամկետ չի սահմանում Ուկրաինայի եւ Վրաստանի հնարավոր անդամակցության համար, բայց հաստատում է այդ հեռանկարը:

Լոնդոնում ՆԱՏՕ-ի պետությունների ու կառավարությունների ղեկավարների հանդիպման արդյունքներով ընդունվեց համատեղ հայտարարություն, ըստ որի, «Ռուսաստանի ագրեսիվ գործողությունները» եւ միջազգային ահաբեկչությունը համարում են Դաշինքի անդամ երկրների անվտանգության հիմնական սպառնալիքները:



ՌՈՒՍԱՍՏԱՆԸ ՋԼՄ-ՆԵՐԸ՝ ՕՏԱՐԵՐԿՐՅԱԳՈՐԾԱԿԱԼՆԵՐ... ԳՈՐԾԱԿԱԼՆԵՐ՝...

Ռուսաստանի նախագահ Վլադիմիր Պուտինը հրաման է ստորագրել, որով թույլատրվում է ֆիզիկական անձանց, մասնավորապես՝ անկախ լրագրողներին, բլոգերներին եւ սոցիալական մեդիայի օգտատերերին ծանաչել որպես օտարերկրյա գործակալներ (ՋԼՄ-օտարերկրյա գործակալների մասին օրենքում հավելյալ կարգավորումներ): Այս կարգավիճակը կարող է տրվել օտարերկրացիներին եւ ՌԴ քաղաքացիներին, եթե նրանք համագործակցում են օտարերկրյա գործակալների հետ կամ տեղեկություններ են տարածում՝ գործակալների լրատվամիջոցներին, ընդ որում, ստանում են միջազգային ֆինանսավորում: Ենթադրվում է, որ միայն դրամական, այլեւ այլ միջոցներ:

Նոյեմբերի 27-ին ավելի քան 60 ռուս քաղաքական գործիչ, գիտնական, իրավապաշտպան ու մշակույթի գործիչ Պուտինին ուղղված բաց նամակ են հրապարակել՝ չստորագրել «օտարերկրյա գործակալներ» ֆիզիկական անձանց մասին օրենքը: Նրանք նշում են, որ տվյալ որոշումը «իրավական արտուրդ» է եւ դեմ է սահմանադրական իրավունքին:

Նոյեմբերի 27-ին ավելի քան 60 ռուս քաղաքական գործիչ, գիտնական, իրավապաշտպան ու մշակույթի գործիչ Պուտինին ուղղված բաց նամակ են հրապարակել՝ չստորագրել «օտարերկրյա գործակալներ» ֆիզիկական անձանց մասին օրենքը: Նրանք նշում են, որ տվյալ որոշումը «իրավական արտուրդ» է եւ դեմ է սահմանադրական իրավունքին:

ԶԻՆԱՍՏԱՆ ՊԱՏՃԱՄԻՋՈՑՆԵՐ՝ ԱՄՆ-Ի ՆՎԱՍՏԱՍԲ

Հիմաստաճը, ի պատասխան Միացյալ Նահանգներում Հոնկոնգի մասին օրենքի ընդունման, դադարեցնում է Հոնկոնգ ամերիկյան ռազմանավերի եւ ինքնաթիռների այցելության ԱՄՆ պահանջների քննարկումը:

Ավելի վաղ, ԱՄՆ նախագահ Դոնալդ Թրամփն ստորագրել է երկու օրենք, որոնք վերաբերում են Հոնկոնգին. «Հոնկոնգում մարդու իրավունքների եւ ժողովրդավարության պաշտպանության մասին», ինչպես նաեւ հատուկ վարչական շրջանին որոշակի ոստիկանական հանդերձանքի մատակարարումների արգելքի մասին:

ԱՄՆ ՄԱՔՍԱՏՈՒՔԵՐ՝ ՖՐԱՆՍԻԱՅԻ ԴԵՄ

Ֆրանսիան խտրական քաղաքականություն է վարում Միացյալ Նահանգների թվային ընկերությունների նկատմամբ, դրան ի պատասխան ԱՄՆ-ը կարող է մինչեւ 100 տոկոս հարկադրություն դնել մինչեւ 2,4 միլիարդ դոլարի մաքսեր սահմանել ֆրանսիական ապրանքների վրա:

Նշենք, որ հուլիսի կեսերին Ֆրանսիայի խորհրդարանն ընդունել է օրենք խոշորագույն թվային ընկերությունների ծառայությունների հարկի մասին: Այդ օրենքը խիստ քննադատության է ենթարկվել ԱՄՆ-ի կողմից:

ՀԱՍՏԱՏՎԵԼ Է ՆԱԽԱԳԱՀԻ ԻՄՊԻԶՄԵՆՏԻ ԶԵԿՈՒՅՑԸ

ԱՄՆ-ի Ներկայացուցիչների պալատի հետախուզության կոմիտեն հավանություն է տվել «Աջակցություն նախագահ Դոնալդ Թրամփի պաշտոնազրկմանը» դեմոկրատների պատրաստած զեկույցին, ինչի մասին վկայում են քվեարկության արդյունքները: Այնուհետեւ, պաշտոնազրկման հարցն անցնում է դատական գործերի կոմիտեի քննարկմանը, որը զեկույցի հիման վրա պետք է կոնկրետ մեղադրանքներ առաջադրի Թրամփին: Հետագայում այդ մեղադրանքները կներկայացվեն Ներկայացուցիչների պալատի քվեարկությանը, եւ գործը կանցնի Սենատ:

Ավելի վաղ, դեմոկրատները Կոնգրեսում հրապարակել էին Թրամփին պաշտոնազրկում հայտնելու գործի հետաքննության ամփոփիչ զեկույցը, որում պետության ղեկավարին մեղադրել էին ԱՄՆ-ի ապագա նախագահական ընտրություններում Ուկրաինայի իշխանություններին ներքաշելու փորձի մեջ:

ԵԿԵՂԵՑԱԿԱՆ

ՎԻՐԱՅԱՅՈՑ ԹԵՄԻ ԱՌԱՋՆՈՐԴԸ ԲՐՅՈՒՄԵԼՈՒՄ

(Սկիզբը՝ 1-ին էջում)

ցուցիչները, կազմակերպել էր Ռոմդելիի հիմնադրամը:

«Եկեղեցու եւ կրոնական թեմերի դերը խաղաղության վերականգնման եւ հակամարտությունների կարգավորման գործընթացում» թեմայով սեմինարին զեկույցով հանդես եկավ Վիրահայոց թեմի առաջնորդը: Իր վրաց լեզվով ելույթում Վիրակոս վարդապետը խոսեց Վրաց Ուղղափառ եկեղեցու ու մյուս կրոնական համայնքների հետ

Հայ Առաքելական Սուրբ եկեղեցու Վիրահայոց թեմի համագործակցության, ինչպես նաեւ Վրաստանի համար նշանակալի հարցերի կարգավորման գործում տարբեր կրոնական համայնքների աջակցության մասին:

Երկօրյա այցի շրջանակներում, պատվիրակությանը անդամները հանդիպում ունեցան Կովկասի եւ Կենտրոնական Ասիայում ՆԱՏՕ-ի գլխավոր քարտուղարի հատուկ ներկայացուցիչ Ջեյմս Ապաթուրայի հետ, քննար-

կումներ տեղի ունեցան Եվրոպայի ժողովրդական կուսակցության գլխավոր քարտուղարի, արտաքին հարաբերությունների գլխավոր քարտուղարի, Եվրախորհրդարանի միջմշակութային եւ կրոնական երկխոսության աշխատանքային խմբի համախազգալի եւ Եվրամիությունում Ուղղափառ եկեղեցիների ներկայացուցչական կոմիտեի անդամների հետ: Պատվիրակության անդամները ներկա գտնվեցին նաեւ Եվրախորհրդարանի

արտաքին հարաբերությունների կոմիտեի նիստին, քննարկեցին Վրաստանի տարածքային ամբողջականության եւ երկրում ընթացող գործընթացների հետ կապված հարցեր, խոսեցին նաեւ բժիշկ Վաթա Գափրին-դաշվիլու գերության մեջ գտնվելու փաստի մասին: Հանդիպումների ժամանակ, արժեւորվեց երկրի համար կարեւոր գործընթացներին տարբեր կրոնների ներկայացուցիչների դերն ու մասնակցությունը:

Շաբաթից շաբաթ. Փաստեր եւ իրադարձություններ

ՀԱՂՈՐԴՈՒՄ ԵՆ «ՎՐԱՍՏԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՅՆԵՐԸ

ՆԱԽԱՁԵՆՈՒԹՅՈՒՆ

«ՎՐԱՅԱԿԱՆ ԵՐԱՉԱՆՔԸ» ՔՆՆԱՐԿՈՒՄ Է ԸՆՏՐՈՒԹՅՈՒՆՆԵՐԻ «ԱՄԵՐԻԿԱՆ ՍՈՂԵԼԸ»

ԻՍԿ ԸՆԴԴԻՍՈՒԹՅՈՒՆԸ ԽՈՐՀՐԴԱՐԱՆՈՒՄ ԳՐԱՆՑՈՒՄ Է ԸՆՏՐԱԿԱՐԳԻ ՄԱՍԻՆ ՕՐԻՆԱԳԻԾԸ

«Վրացական երազանք-ժողովրդավարական Վրաստան» կառավարող կուսակցությունը կենտրոնական գրասենյակում անցկացված խորհրդարանական մեծամասնության նիստին քննարկեց ընտրությունների «Ամերիկյան մոդելը»:


Ինչպես նշեց խորհրդարանի փոխխոսնակ Գիա Վոլսկին, «Ամերիկյան մոդելը» ընդունելու նախաձեռնությունը մեծամասնական պատգամավորներին է: Նրա խոսքով, նախաձեռնությունը դրական է, այն քննարկել են պատգամավորների հետ:

Ինչպես հայտարարվեց իշխանություն-ընդդիմություն՝ նոյեմբերի 30-ին կայացած հանդիպմանը, ընդդիմությունը խորհրդարանում գրանցեց ընտրությունների անցկացման կարգի փոփոխությունների մասին օրինագիծը: Ըստ ընդդիմության հայտարարության, օրինագիծը, որը հեղինակել են 30 ընդդիմադիր ուժեր, ենթադրում է, որ 2020 թվականի խորհրդարանական ընտրությունները կանցկացվեն խառը, այսպես կոչված, «գերմանական մոդելի» համակարգով, ինչը նախատեսում է ձայների համամասնական բաշխում:

Ինչպես նշված է միասնական ընդդիմության կողմից տարածած հայտարարության մեջ, ընդդիմադիր կուսակցություն-

ները խորհրդարան են ներկայացրել մի նախագիծ, որը ենթադրում է, այսպես կոչված, «գերմանական մոդելը»: Այս նախագիծը նպատակ ունի բարեփոխել ընտրական համակարգը: Այն ներառում է գերմանական սկզբունքը, ինչը նշանակում է, որ բոլոր կուսակցությունները խորհրդարանում ներկայացված կլինեն բնակչության կողմից ստացվող համամասնական ձայների համաձայն:

Օրինագիծը գրանցել են «Ազգային շարժում» եւ «Եվրոպական Վրաստան» խորհրդարանական խմբակցությունները 30 ընդդիմադիր քաղաքական ուժերի եւ դրանց ներկայացուցիչների հետ:



ԱՎԵԼԱՑԵԼ ԵՆ ՍՊԱՌՈՂԱԿԱՆ ԳՆԵՐԸ

Նախորդ տարվա նոյեմբերի համեմատ, Վրաստանում սպառողական գներն ավելացել են 7 տոկոսով: Տարեկան գնաճի մակարդակն առավելագույնն է 2017 թվականի հունիսից հետո: Բացի այդ, նախորդ ամսվա համեմատ, գնաճի մակարդակը նոյեմբերին կազմել է 0,9 տոկոս: Նույն ժամանակաշրջանում, առանց ֆիլտրի ծխախոտի գնաճի ցուցանիշը, նախորդ ամսվա համեմատ, կազմել է 0,8 տոկոս:

Ազգային բանկի կողմից սահմանված գնաճի նպատակային ցուցանիշը երեք տոկոս է:

ԹՄՐԱՆՅՈՒԹ ՊԱՅԵԼՈՒ ՄԵՂԱԴՐԱՆՔ ՅՈՑԵՎՈՐԱԿԱՆԻՆ

Վրաստանի ներքին գործերի նախարարության Ջուդզիդիի ոստիկանության աշխատակիցները ձերբակալել են Աթոնի լեռան վրա ապրող հոգեւորականի: Նա մեղադրվում է մեծ քանակությամբ թմրամիջոց պահելու մեջ:

Ներքին գործերի նախարարության լրատվությամբ, այս գործով ձերբակալվել է եւս մեկ մարդ: Հետաքննությունն ընթանում է Վրաստանի ԶՕ 260-րդ հոդվածով, ինչը նշանակում է թմրամիջոցների անօրեն գնում ու պահպանում:

Ձերբակալվածի իրավապաշտպանի հայտարարությամբ, հոգեւորականը ընդունում է իր մեղքը:



ՈՒՄ-ՎՐԱՅԱԿԱՆ ՊԱՏԵՐԱՉՄԻ ՊԱՏԱԿԱՆ ԳՈՐԾԸ ԿԱՎԱՐՏՎԻ 2020 ԹՎԱԿԱՆԻՆ

Դեկտեմբերի 5-ին Վրաստանի արդարադատության նախարար Թեա Ծուլուկիանին Ստրասբուրգում, Միջազգային քրեական դատարանի մասնակից պետությունների 18-րդ վեհաժողովի նստաշրջանի շրջանակներում, հանդիպում ունեցավ Հաագայի դատարանի դատախազ Ֆաթու Բեն-տուդայի հետ:

Վերջինս նրան հավաստիացրեց, որ ռուս-վրացական պատերազմի դատական գործի հետաքննությունն ակտիվ փուլում է եւ 2020 թվականի վերջին կավարտվի:

Դատախազի պաշտոնավարման ժամկետը 2020 թվականի վերջին ավարտվում է եւ, ըստ Բենտուդայի, ամենայն հավանականությամբ, այդ ժամանակ արդեն գործի

կոնկրետ արդյունքներ կլինեն:

Հանդիպմանը Վրաստանի արդարադատության նախարարը խոսեց ռուս-վրացական պատերազմի հետաքննության մասին՝ նշելով, թե Վրաստանի բնակչությունը, որը դարձել է «էթնիկ գտնումների, մարդկության դեմ ուղղված հանցագործությունների եւ 2008-ի ռուս-վրացական պատերազմի ընթացքում կատարված պատերազմական հանցագործությունների գոհ, սպասում է քննության կոնկրետ արդյունքների, որպեսզի պատասխանատվության ենթարկվեն մեղավորները»:

Նշվեց նաեւ, որ կողմերի միջեւ համագործակցությունը գտնվում է բարձր մակարդակի վրա:



ՃԱՅՈՒՆԱՅՈՒՆ
ՆԱՅՆԱՅՈՒՆ

ԵԿԱՄՈՒՏՆԵՐԻ ԾԱՌԱՅՈՒԹՅՈՒՆ

ՀԱՅՏՆԱԲԵՐՎԵԼ Է ԹՄՐԱՆՅՈՒԹ ՊԱՐՈՒՆԱԿՈՂ ԴԵՂՈՐԱՅՔ

Վրաստանի ֆինանսների նախարարության եկամուտների ծառայության մաքսային աշխատակիցները, «Քութայիսիի օդանավակայան» մաքսային անցակետում, կասկածի հիման վրա, խուզարկել են Վրաստանի, Թուրքիայի եւ Սեծ Բրիտանիայի քաղաքացիներ Թ.Չ.-ին, Չ.Ա.-ին եւ Ս.Է.-ին պատկանող ուղեբեռները: Խուզար-

կության արդյունքում, հայտնաբերվել է թմրամյուր պարունակող 440 եւ հոգեբուժական 208 հաբ: Հետագա արձագանքման համար, գործի նյութերը փոխանցվել են ներքին գործերի նախարարության համապատասխան մարմիններին: Գործը հետաքննվում է քրեական օրենսգրքի 260-րդ հոդվածի 1-ին մասով:

ԿԱՆԽՎԵԼ Է ԱՐԱՄԱՆԴԵ ՔԱՐԵՐ ԵՎ ՈՍԿԵ ԶԱՐԴԵՐ ՆԵՐԿՐԵԼՈՒ ՓՈՐՁԸ

Նոյեմբերի 20-ից դեկտեմբերի 2-ը ներառյալ, Վրաստանի ֆինանսների նախարարության եկամուտների ծառայության մաքսային աշխատակիցները «Կարմիր կամուրջ» սահմանային անցակետում, կասկածի հիման վրա, խուզարկել են Ադրբեջանի քաղաքացիներին պատկանող ավտոմեքենաները:

Խուզարկության արդյունքում հայտնաբերվել է, ընդհանուր առմամբ, 23116,29 լարի արժողության չհայտագրված ոսկեղեն (254,63 գրամ) եւ ադամանդե քարեր (54 հատ): Չհայտագրված ապրանքի ընդհանուր մաքսային արժեքը, փորձագետների գնահատմամբ, կազմում է 27968,35 լարի:

Վրաստանի մաքսային օրենսգրքի 168-րդ հոդվածի 1-ին մասի համաձայն, օրինախախտում թույլ տված քաղաքացիները տուգանվել են 27968,35 լարի գումարով:

ԲԱՑԱՐԱՅՏՎԵԼ Է ՀԱՐԿԱՅԻՆ ՕՐԵՆՍԴՐՈՒԹՅԱՆ ԽԱՆՏՄԱՆ 265 ԴԵՊՔ

Նոյեմբերի 25-ից դեկտեմբերի 1-ը ներառյալ, Վրաստանի ֆինանսների նախարարության եկամուտների ծառայության հարկային մոնիթորինգի դեպարտամենտի կողմից երկրի ողջ տարածքում անցկացված ստուգիչ միջոցառումների արդյունքում, բացահայտվել է հարկային օրենսդրության խախտման 265 դեպք:

Մասնավորապես, ֆինանսների նախարարության եկամուտների ծառայության հարկային մոնիթորինգի դեպարտամենտի աշխատակիցներն ստուգել են 3,575 հարկատուի: Ստուգման արդյունքում, բացահայտվել են հարկային օրենսդրության հետեւյալ խախտումները. առանց ապրանքագրերի

ապրանքների փոխադրման 84 փաստ, տնտեսական գործունեության իրականացման համար հարկատուի կողմից օրենսդրությամբ սահմանված կարգի խախտման 11 դեպք, կանխիկ գումարներով առքուվաճառքի ժամանակ՝ զանազան կարգի սարքի անտեսման 170 փաստ:

ՎՐԱՍՏԱՆԻ ՖԻՆԱՆՍՆԵՐԻ ՆԱԽԱՐԱՐՈՒԹՅԱՆ ԵԿԱՄՈՒՏՆԵՐԻ ԾԱՌԱՅՈՒԹՅՈՒՆ



ՄԱԳԹԻ ԱՌԱՋԱՐԿՈՒԹՅՈՒՆԸ ՏԱՐԱԾԱՇՐՋԱՆՆԵՐԻՆ

ՀԱՄԱՑԱՆՑ, ՀԵՌՈՒՍԱՏԵՍՈՒԹՅՈՒՆ ԵՎ
ԱՌԱՆՑ ԼԻՄԻՏԻ ԽՈՍԱԿՑՈՒԹՅՈՒՆ ԲՋՋԱՅԻՆՈՎ,
ԱՄՍԱԿԱՆ՝ 34 ԼԱՐԻՈՎ



Օպտիկական – մանրաթելային համացանց
20 մգ/վրկ փաթեթ



IP հեռուստատեսություն
Վերափաթեթավորման գործառույթով – 105 ալիք



Բջջային հեռախոս
Մերվիս «Մերոնք», առանց լիմիտի
խոսակցություն Մագրիկոմի բջջային
ցանցով՝ ընտանիքի 4 անդամների միջև



Նվեր
• WiFi սարք տանը՝ համացանցի ազդանշանի տարածման համար
• Հեռուստատեսության 1 լրացուցիչ փաթեթ

ԾՐԱԳՐԵՐԻ ՄՈՒՆՈՔԱԳՐՈՒՄԸ՝ ԿՆՎՃԱՐ

Առաջարկությունը ուժի մեջ է միացումից հետո 2 տարվա ընթացքում



Կապվեք՝ 11 00 11 – բջջային ցանցով,
032 217 00 00 – ցանկացած ցանցով

www.magticom.ge

Մագրիկոմի ցանցով հեռախոսազանգը անվճար է:

ԵՆԹԱԿԱՌՈՒՅՑ

2020 ԹՎԱԿԱՆԻՆ ԱԽԱԼՔԱԼԱՔԻԻ ԵՎ ՆԻՆՈԾՄԻՆԴԱՅԻ ՍՈՒՆԻՑԻՊԱԼԻՏԵՏՆԵՐՈՒՄ ԾԱՆԱՊԱՐՅԱՅԻՆ ՆԱԽԱԳԾԵՐԸ ԿԱՎԱՐՏՎԵՆ

(Սկիզբը՝ 1-ին էջում)

տանքներն արդեն ավարտվել են: Ծանապարհի վերանորոգման հետ միասին, մասնակի վերանորոգման է ենթարկվել ճանապարհի երկայնքով գտնվող հինգ գյուղերի՝ Տբեթի, Սամեբայի, Գանթիադի, Սաղդրիանի, Այազմայի ենթակառույցները: Նախագծի արժեքը 13 795 800 լարիով ֆինանսավորել է պետությունը:

Ավարտվել է նաեւ միջազգային նշանակության Ախալցխե-Նինոծմինդա-Ղայաստանի սահման ավտոմոբիլային ճանապարհի 15 կիլոմետրանոց հատվածը: Երկու՝ Գորելովկա, Ժդանովական գյուղերի տարածքով անցնող ճանապարհի վերանորոգումը հեշտացրել է երթևեկությունը, նպաստել Ղայաստան եւ հակառակ ուղղությամբ ավտոմոբիլային ու բեռների փոխադրումների ծավալների ավելացմանը: Նշվեց, որ Ախալցխե-Նինոծմինդա ճանապարհահատվածում վերջին տարիների ընթացքում աշխատանքներ չեն տարվել: Ասֆալտե ծածկը վնասվել էր, իսկ առանձին հատվածներում՝ ընդհանրապես վերացել: Մշակված մախագծի համաձայն, ճանապարհը ընդլայնվել է, վերանորոգվել: Նախագծի շրջանակներում, վերանորոգվել են երկաթուղային երեք կամուրջներ, տեղակայվել ջրատար խողովակներ: Ծանապարհի վրա տեղակայվել են նաեւ ճանապարհային նշաններ: Վերոնշյալ մախագծի արժեքը պետական բյուջեից կազմել է շուրջ 14 միլիոն լարի:

Մայա Ցեխիշվիլին եղավ նաեւ Ախալքալաքի-Նինոծմինդա ճանապարհի վերանորոգման ենթակա 17 կիլոմետրանոց հատվածի վայրում, ծանոթացավ իրականացվող աշխատանքների ընթացքին:

ՄԱՅԱ ՑԵԽԻՇՎԻԼԻ.- Ներ-

կայումս գտնվում ենք Ախալքալաքի-Նինոծմինդա ճանապարհի 17 կիլոմետրանոց հատվածում: Այստեղ այս տարի սկսվեցին ճանապարհի վերանորոգման աշխատանքները եւ 2020 թվականի զարմանք կավարտվեն: Մնում են առանձին ճանապարհահատվածներ, որոնց վերանորոգման հարցով մրցույթներ են տարվում եւ դրանով, փաստորեն, 2020 թվականին Սամցխե-Ջավախեթի տարածաշրջանում բոլոր հիմնական ճանապարհների վերանորոգման վերակառուցման աշխատանքները կավարտվեն: Ինչպես գիտեք, այս ճանապարհը Ղայաստանի սահման տանող ուղղություններից մեկն է, եւ ճանապարհի կարգավորումը կնպաստի ինչպես բեռնափոխադրումների ու ուղեւորափոխադրումների ծավալների, այնպես էլ Ղայաստանից սեւեռյալ հանգստավայրեր զբոսաշրջիկների թվի ավելացմանը:

ԲԵՆՈ ԱՄԻՆԱՇՎԻԼԻ.- Այս ճանապարհահատվածը անբարեկարգ էր, ինչը հիմնախնդիրներ էր ստեղծում ինչպես տեղի բնակչության, այնպես էլ՝ միջհանրապետական ուղեւորաբեռնափոխադրումների համար: Ներկա դրությամբ, երկու կիլոմետր հատվածում կատարվեցին ասֆալտապատման աշխատանքներ: Ծանապարհի վերանորոգման աշխատանքները շարունակական են, մախագծի արժեքը կազմում է շուրջ 17 միլիոն լարի: Նախագծով մախատեսված աշխատանքները կավարտվեն հաջորդ տարվա ամռանը: Տարածաշրջանային զարգացման եւ ենթակառույցների նա-



խարարի հետ դիտեցինք Ղայաստանի սահմանի հետ կապող ճանապարհը: Այն մեծ նշանակություն ունի, եթե հաշվի առնենք այն փաստը, որ երկրամասում հայազգի բնակչության թիվը մեծ է, եւ այն սերտորեն կապված է Ղայաստանի հետ: Այնպես որ, խիստ կարեւոր է ճանապարհի եվրաֆորդիչնեւրով վերանորոգումը:

Մեզ հետ զրույցում Ախալքալաքից եւ Նինոծմինդայից Վրաստանի խորհրդարանի պատգամավոր **ՅԵՆԶԵԼ ՄԿՈՅԱՆԸ** ասաց, որ երկրամասում ենթակառույցային մախագծերի իրականացումը ընթանում է մախօրոք ծրագրված ընթացակարգով, եւ բոլոր մախադրյալներն ստեղծված են դրանց ժամանակին ու որակով կատարելու համար:

- Մեր տարածաշրջանում ներկայումս իրականացվող մախագծերն ավելի քան նշանակալից են: Բավական է նշել, որ ընթացքի մեջ է Օրլովկա-Նինոծմինդա ճանապարհի 7 կիլոմետրանոց հատվածի վերանորոգումը, ավարտվել է Նինոծմինդա-Ախալքալաքի ավտոճանապարհի 2 կիլոմետրանոց հատվածի ասֆալտապատումը, եւ, ընդհանրապես, Ախալքալաքից Կորխ ճանապարհահատվածի վերանորոգումը եւս 2020 թվականին ամբողջովին կավարտվի,- նշեց Յենզել Մկոյանը:

ԱՐԵՎԻԿԱ ՄԱՆՈՒԿՅԱՆ

ՍՈՑԻԱԼԱԿԱՆ

ԿՈՒՏԱԿԱՅԻՆ ԿԵՆՍԱԹՈՇԱԿԱՅԻՆ ՀԱՄԱԿԱՐԳՈՒՄ ԸՆԴՊՐԿՎԱԾՆԵՐԻ ԹԻՎԸ ՀԱՍՆՈՒՄ Է ՄԵԿ ՄԻԼԻՈՆԻ

Վրաստանի Կենսաթոշակային գործակալության ղեկավար Լեւան Սուրգուլաձեի հավաստմամբ, կենսաթոշակային ոլորտում իրականացվող բարեփոխումների ընթացքը զոհացուցիչ է, եւ ներկա դրությամբ Կուտակային կենսաթոշակային համակարգում ընդգրկված Վրաստանի քաղաքացիների թիվը հասնում է մեկ միլիոնի, իսկ ավելի ստույգ, համակարգում արդեն ընդգրկվել է ավելի քան 931,1 հազար մարդ, որից 761 828-ը մասնավոր սեկտորից բացառիկ մասնակիցներն են, իսկ 218 687-ի՝ պետականից:

Հիշեցնենք, որ Կուտակային կենսաթոշակային համակարգը Վրաստանում գործարկվել է 2019 թվականի հունվարի 1-ից:

Ըստ մշակված սխեմայի, տարեկան 24 հազար լարիից պակաս անվանական եկամտի դեպքում, քաղաքացու կենսաթոշակային հաշվին կփոխանցվի իր աշխատավարձի 6 տոկոսը, որից 2 տոկոսը կվճարի անձամբ, 2 տոկոսը՝ իր գործատունը եւ եւս 2 տոկոսը՝ պետությունը: 24-60 հազար լարի տարեկան աշխատավարձի դեպքում, պետությունը կփոխանցի ընդամենը մեկ տոկոսը:

Ինչպես նշեց Կենսաթոշակային գործակալության ղեկավարը, 2019 թվականի հունվարի 1-ից Կուտակային կենսաթոշակային համակարգին միացել է 60 հազար 134 մասնավոր ընկերություն:

- Ըստ վերջին տվյալների, Կենսաթոշակային հիմնադրամի գումարը կազմում է 450 միլիոն 474 հազար 703, իսկ կուտակված շահույթը՝ 13 միլիոն 271 հազար 612 լարի,- հայտարարեց Լեւան Սուրգուլաձեն եւ հավելեց, որ մինչեւ 2019 թվականի վերջը ակնկալվում է 0,5 միլիարդ լարի գումարի մոբիլիզացում:

Նրա հավաստմամբ, Վրաստանում կուտակային կենսաթոշակային բարեփոխումը հաջող ընթացք ունի:

- Կուտակային կենսաթոշակային բարեփոխումը կարեւոր է ինչպես տնտեսական, այնպես էլ՝ սոցիալական տեսակետից: Մենք պետք է ակնկալենք տնտեսական արդյունավետություն առաջիկա տարիներին, իսկ ֆինանսական



տեսանկյունից այս բարեփոխումը պետք է ապահովի մեր քաղաքացիների ֆինանսական կյանքը կենսաթոշակային տարիքում,- հայտարարեց Լեւան Սուրգուլաձեն:

Ավելացնենք, որ կենսաթոշակային մեր համակարգը պարտադիր է միայն նրանց համար, ում 40 տարին դեռ չի լրացել: Մնացածներին վերապահվել է ընտրության իրավունք:

Հարկ է նշել, որ նշանակալից է նաեւ այն մարդկանց թիվը, ովքեր հոռետեսորեն են վերաբերվում կենսաթոշակային վերոնշյալ բարեփոխմանը: Որպես արդյունք՝ ընթացիկ տարվա հունիսի վերջին Կուտակային կենսաթոշակային համակարգից դուրս եկողների թիվը կազմեց գրանցվածների ընդհանուր թվի մոտ 10 տոկոսը:

Ինչպես տեղեկացրին Կենսաթոշակային պետիմնադրամից, ոլորտում իրականացվող բարեփոխումը հետապնդում է երկու հիմնական նպատակ: Նախ, այն երկարաժամկետ է եւ ներառում է կենսաթոշակային տարիքի քաղաքացիների ֆինանսական ապահովում, որպեսզի նրանք արժանապատիվ կյանքի հնարավորություն ունենան: Եվ երկրորդ, թույլ է տալիս նշանակալի ազդակ հաղորդել տեղական շուկայի կապիտալի զարգացմանը:

ՀԱՆԴԻՊՈՒՄ

ԻՇԽԱՆՈՒԹՅՈՒՆԸ ԵՎ ԸՆԴԴԻՍՈՒԹՅՈՒՆԸ ԶԿԱՐՈՂԱՑԱՆ ՄՇԱԿԵԼ ԸՆԴՀԱՆՈՒՐ ՄՈՏԵՑՈՒՄ

(Սկիզբը՝ 1-ին էջում)

Իշխանությունները՝ որպես ելք, առաջարկեցին երկրի սահմանադրության համաձայն 2020 թվականի ընտրություններն անցկացնել խառը ընտրակարգով եւ միայն 2024 թվականի խորհրդարանական ընտրություններին, ինչպես վավերացված է սահմանադրության մեջ, ներդրել համամասնական ընտրակարգը:

Միացյալ ընդդիմությունը՝ որպես ելք ստեղծված իրավիճակից, առաջարկեց ընդունել, այսպես կոչված, «գերմանական մոդելը», որը, մախատեսում է ինչպես համամասնական, այնպես էլ՝ մեծամասնական ընտրակարգեր: Այն դեպքում, երբ ըստ ընդդիմության, մեր մոդելի ընդունումը չի հակասում երկրի սահմանադրությանը, եւ այն հեշտությամբ կարելի է ընդունել որպես առաջիկա խորհրդարանական ընտրությունների անցկացման հիմնավորում, իշխանության ներկայացուցիչների հավաստմամբ, այսպես կոչված, «գերմանական մոդելը» իրավական առումով հակադրության մեջ է սահմանադրական դրույթներին ու չի կարող ընդունվել:

Ի վերջո, կողմերին չհաջողվեց հասնել ընդհանուր հայտարարի, թեպետ նշվեց

նման հանդիպումների անհրաժեշտությունն ու կարելիությունը: Կողմերը մեր հանդիպման անցկացման պատրաստակամություն հայտնեցին, թեպետ նաեւ նշեցին, որ առանց դիրքորոշումների էական փոփոխության, նման հանդիպումը իմաստագուրկ է:

Հանդիպման ավարտից հետո, Վրաստանի խորհրդարանի մախագահ Արչիլ Թալակվաձեն միացյալ ընդդիմությանը մեղադրեց երկրում իրավիճակի գիտակցված ապակայունացման փորձերի մեջ՝ նշելով, որ նրանց առաջարկած «գերմանական մոդելը» ոչ միայն հակասում է երկրի սահմանադրությանը, այլեւ այն «փակուղի տանող ճանապարհ է»:

- Ակնհայտ էր, որ ընդդիմությունը հանդիպմանը մասնակցեց միայն հանդիպման փաստը վավերացնելու համար: Իրենք էլ հստակ գիտակցում են, որ իրենց առաջարկությունը հակասահմանադրական է, թեպետ շարունակում են պնդել՝ ձեւացնելով, իբր դա կարող է դառնալ ընտրությունների իրավական հիմնավորում,- հայտարարեց Արչիլ Թալակվաձեն:

Իր հերթին, խորհրդարանի առաջին փոխսոսնակ Գիա Վուլսկին հայտարարեց, որ ընդդիմության կողմից առաջարկված, այսպես կոչված, «գերմանական մո-

դելը» ոչ միայն հակասահմանադրական է, այլեւ երկրի կառավարման մոդելի վերափոխման լուրջ սպառնալիք է պարունակում:

- Դրա ընդունումը երկրին սպառնում է կառավարման համակարգի լուրջ փոփոխությամբ, ինչը հակադրվում է երկրի սահմանադրությանը,- հայտարարեց Գիա Վուլսկին:

Առանց որեւէ էական արդյունքների, հանդիպման հարցում միացյալ ընդդիմությունը մեղադրեց իշխանությանը՝ նշելով, որ «Վրացական երազանքը» հնարավոր ամեն ինչ անում է ընտրական մեր մոդելին անցումը արգելակելու համար: Ընդդիմության հավաստմամբ, իրենք մտադիր են մոտ օրերին պաշտոնապես խորհրդարանի քննարկմանը ներկայացնել համատեղ ուժերով մշակված, վրացական իրավաճանապարհի համապատասխանեցված, այսպես կոչված, «գերմանական մոդելը» միաժամանակ, իշխանությունների վրա ճնշում գործադրելու նպատակով, բողոքի ցույցերը կշարունակվեն, եւ այս անգամ բողոքի ալիքը կտա-



րածվի բոլոր տարածաշրջաններում, առանց բացառության:

Վրաստանում եվրամիության ներկայացուցչության ղեկավար Կառլ Հարցելը, մեկնաբանելով իշխանության եւ ընդդիմության ներկայացուցիչների հանդիպումը, հայտարարեց, որ նման հանդիպման անցկացումը, ինքնըստիքյան, ողջունելի է: Նրա խոսքով, դեռեւս չի սպառվել ընդհանուր հայտարարի մշակման հավանականությունը եւ կողմերին կոչ արեց ընկալունով մոտենալ միմյանց դիրքորոշումները, ինչը համատեղ մախագծի մշակման հնարավորություն կընձեռի:

ՅՈՒՐԻ ԽՈՐԵՆՅԱՆ